

Na osnovu člana 56. Zakona o organizaciji organa uprave Federacije Bosne i Hercegovine ("Službene novine Federacije BiH", broj 35/05), člana 31. st (1) i (2) i člana 38. Zakona o izvršavanju Budžeta Federacije Bosne i Hercegovine za 2023. godinu ("Službene novine Federacije BiH", br. 6/23 i 85/23) i Odluke Vlade Federacije BiH o usvajanju programa utroška sredstava sa kriterijima raspodjele sredstava „Tekući transferi neprofitnim organizacijama - Transfer za sufinansiranje izgradnje spomen obilježja, uređenje mezarja i grobalja ", utvrđenog Budžetom Federacije Bosne i Hercegovine za 2023. godinu, Federalnom ministarstvu za pitanja boraca i invalida odbrambeno-oslobodilačkog rata/Federalnom ministarstvu za pitanja branitelja i invalida domovinskog rata ("Službene novine Federacije BiH", br. 15/23 i 97/23), Federalno ministarstvo za pitanja boraca i invalida odbrambeno-oslobodilačkog rata/Federalno ministarstvo za pitanja branitelja i invalida domovinskog rata, objavljuje:

**DRUGI JAVNI POZIV  
za podnošenje prijava za sufinansiranje izgradnje spomen obilježja,  
uređenja mezarja i grobalja u 2023. godini**

I.

Predmet Drugog javnog poziva (u daljem tekstu: Javni poziv) je sufinansiranje izgradnje spomen obilježja, uređenja mezarja i grobalja u 2023. godini u ukupnom iznosu od 300.000,00 KM (slovima: tristotinehiljada i 00/100 KM).

II.

Prijava za sufinansiranje programa/projekta mogu podnijeti samo pravna lica i to: udruženja koja okupljaju boračku populaciju, institucije i vjerske zajednice sa razrađenim programima usmjerenim na realizaciju ciljeva proizašlih iz namjene ovih sredstava.

III.

Pravo učešća po Javnom pozivu nemaju podnosioci zahtjeva iz tačke II. Javnog poziva kojima su u prethodnoj budžetskoj godini odobrena sredstva za iste namjene, a nisu dostavili izvještaj o utrošku sredstava, kao i oni kojima su već dodijeljena sredstva u budžetskoj 2023. godini za iste projekte.

IV.

Raspodjela novčanih sredstava iz tačke I. Javnog poziva vršit će se u skladu sa općim kriterijima. Opći kriteriji za odobrenje sredstava za sufinansiranje programa/projekata za izgradnju spomen obilježja, uređenja mezarja i grobalja su:

- historijski značaj projekta za širu društvenu zajednicu općinsku, kantonalnu, federalnog, državnog kao i regionalnog nivoa;
- originalnost projekta u smislu predstavljanja nivoa organizovanosti Oružanih snaga RBiH;
- vrijednost projekta;
- visina učešća sopstvenih sredstava i sredstava drugih finansijera za aplicirani projekat;
- ne mogu se finansirati isti projekti dva puta u toku iste budžetske godine;
- vrijednost projekta ne može biti manja od 100.000,00 KM.

Ministarstvo će posebnim aktom utvrditi mjerljive potkriterije iz tačke IV. Javnog poziva.

V.

Prijavu je potrebno obrazložiti u smislu razloga podrške programa/projekta (opštem, društvenom, finansijskom i sl.).

Sredstva će se dodijeljivati na osnovu Javnog poziva, jednokratno, a koji će biti objavljen u dnevnim novinama i na web stranici Ministarstva ( [www.fmbi.gov.ba](http://www.fmbi.gov.ba)).

Javni poziv traje **5 dana** od dana objavljivanja u dnevnim novinama.

VI.

Prijave po Javnom pozivu za odabir programa/projekta za sufinansiranje izgradnje spomen obilježja, uređenja mezarja i grobalja u 2023. godini, podnose se Federalnom ministarstvu za pitanja boraca i invalida odbrambeno-oslobodilačkog rata/Federalnom ministarstvu za pitanja branitelja i invalida domovinskog rata, putem pošte ili lično u zatvorenim kovertama, na adresu:

**Federalno ministarstvo za pitanja boraca i invalida odbrambeno-oslobodilačkog rata/Federalno ministarstvo za pitanja branitelja i invalida domovinskog rata,  
ulica Hamdije Čemerlića br. 2., 71 000 Sarajevo**

sa naznakom:

**„ Drugi javni poziv za podnošenje prijave za sufinansiranje izgradnje spomen obilježja, uređenja mezarja i grobalja u 2023. godini “.**

VII.

Aplikacioni formular će biti objavljen na WEB stranici Ministarstva ( [www.fmbi.gov.ba](http://www.fmbi.gov.ba) ), a isti će se moći preuzeti i u prostorijama Pisarnice Ministarstva.

Nepotpune i neblagovremene prijave se neće uzimati u razmatranje.

Federalno ministarstvo nema obavezu vraćati predatu dokumentaciju aplikantima.

VIII.

Uz zahtjev je potrebno dostaviti sljedeću dokumentaciju:

1. Adekvatno popunjen i ovjeren aplikacioni formular;
2. Rješenje o registraciji;
3. Uvjerenje o poreznoj registraciji (identifikacionom broju);
4. Kopija ugovora ili potvrda banke o otvorenom transakcijskom/tekućem računu;
5. Detaljan opis programa/projekta za koji se traži sufinansiranje;
6. Finansijski plan programa/projekta za 2023. godinu, sa očekivanim prihodima i rashodima;
7. Rješenje o odobrenju gradnje (građevinska dozvola) ili izjava podnosioca da će izgraditi planirano spomen obilježje
8. Dinamika i rok završetka programa/projekta;
9. Potvrdu/uvjerenje od vjerske ustanove kao dokaz da se program/projekat odnosi na sufinansiranje uređenja mezarja i grobalja.

**MINISTAR**

**Nedžad Lokmić**

Broj: 01-11/4-4888/23  
Sarajevo, 18.12.2023. godine

